

UNIVERZITET U SARAJEVU –
STOMATOLOŠKI FAKULTET

UNIVERZITET U SARAJEVU –
STOMATOLOŠKI KLINIČKI
CENTAR

Tel.: +387 33 214 249
Fax: +387 33 443 395
E-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina




UNIVERSITY OF SARAJEVO –
FACULTY OF DENTISTRY

UNIVERSITY OF SARAJEVO –
DENTAL CLINICAL
CENTER

Phone: +387 33 214 249
Fax: +387 33 443 395
E-mail: dentalschool@sf.unsa.ba
Address: Bolnička 4a, Sarajevo
Bosnia and Herzegovina

Broj: 01-S-1-433-1/26
Sarajevo, 27.07.2026. godine

SKUPŠTINA KANTONA SARAJEVO
KANTON SARAJEVO
FEDERACIJA BOSNE I HERCEGOVINE
BOSNA I HERCEGOVINA



PREDMET: Odgovor na zastupničko pitanje, dostavlja se;

Veza: Zastupničko pitanje broj: 01-04-31246-53/26 od 08.07.2026. godine

Poštovani,

U skladu sa postavljenim Zastupničkim pitanjem od strane zastupnika Davora Čičića u okviru 31. radne sjednice Skupštine Kantona Sarajevo, broj i datum gornji, a koje smo zaprimili dana 16.07.2026. godine, dostavljamo odgovore na postavljena pitanja, kako slijedi:

1. U periodu od 2022. do 2026. godine, Univerzitetu u Sarajevu – Stomatološkom fakultetu su iz Budžeta Kantona Sarajevo, uz podršku Ministarstva za nauku, visoko obrazovanje i mlade Kantona Sarajevo, putem kreditnog zaduženja obezbijedena sredstva u iznosu od 2.500.000 KM. Postupci javnih nabavki za realizaciju ovih sredstava pokrenuti su tokom 2023. godine. Pored navedenog, Budžetom Kantona Sarajevo za 2024. godinu Fakultetu su odobrena sredstva u iznosu od 400.000 KM.

Gore navedena sredstva su uložena u sljedeće kapitalne investicije Fakulteta i to:

- **Tekuće održavanje dijela prostorija maksilofacijale hirurgije**

Iznos kredita 500.000,00 KM. Postupak nabavke „Tekuće održavanje dijela prostorija maksilofacijale hirurgije“ iznosio je ukupno 572.230,87 KM bez PDV-a. Razlika iznosa je plaćena iz vlastitih sredstava Univerziteta u Sarajevu – Stomatološkog fakulteta sa stomatološkim kliničkim centrom.

- **Simulacijski centar**

Iznos kredita 2.000.000 KM.

Postupak nabavke „Simulacijski centar“ i nabavka opreme „Simulacijske jedinice“ iznosio je ukupno 2.489.580,00 KM bez PDV-a. Razlika iznosa je plaćena iz vlastitih sredstava Univerziteta u Sarajevu – Stomatološkog fakulteta sa stomatološkim kliničkim centrom.

- **Tekuće održavanje i zamjena krova**

2024. godine Kanton Sarajevo je odobrio iznos od 400.000 KM za izvođenje radova „Tekuće održavanje i zamjena krova.“

Postupak je pokrenut krajem 2025. godine i trenutno se izvode završni radovi. Postupak nabavke Tekuće održavanje i zamjena krova iznosi ukupno 762.478,84 KM bez PDV-a. Razlika iznosa bit će

plaćena iz vlastitih sredstava Univerziteta u Sarajevu – Stomatološkog fakulteta i Univerziteta u Sarajevu – Stomatološkog kliničkog centra.

2. U odnosu na drugo postavljeno zastupničko pitanje, dostavljamo odgovor kako slijedi:

U periodu od 2022. do 2026. godine realizovane su dvije donacije: donacija opreme za obnovu IT mreže i donacija stomatološke opreme:

- Interni poziv iz 2023. UNSA – Služba za naučnoistraživački rad, i program pod stavkom 11. „Uređenje prostora i nabavka prioritetne opreme za naučnoistraživački rad“ je bila osnova za donaciju opreme Projektu za obnovu informatičke i internet mreže. Sa pribavljenom donacijom, u periodu od augusta do novembra 2024. godine realizovana je obnova i rekonstrukcija informatičke i internet mreže. Nabavljena su 2 jaka mrežna switcha koja kontrolišu kompletan mrežni saobraćaj fakulteta te 14 manjih switcheva za odjele/spratove, 5 wireless routera, 6 VOIP telefona te prateći potrošni materijal – kablovi, konektori i adapteri. Nabavka je izvršena u augustu 2024. u vrijednosti od 46.683,00 KM sa PDV-om, odnosno 39,900 KM bez PDV-a od kojih je 19.000 KM finansirano iz donacije a ostatak od 20.900 KM je plaćen iz vlastitih sredstava.
- U februaru 2026. godine realizovana je donacija od strane Qatar Charity – Ured Qatar Charity u Bosni i Hercegovini za opremanje kliničkih sala u iznosu od 88.758,83 KM sa PDV-om, odnosno 73.669,82 KM bez PDV-a. U pitanju je oprema MECTRON BONE PIEZOSURGERY uređaji. U aprilu 2026. godine doniran je i materijal (Mectron extraction kit) od strane firme Sanitaria Dental d.o.o. Mostar. Univerzitet u Sarajevu – Stomatološki fakultet je proveo postupak javne nabavke u iznosu od 26.000,00 KM kako bi se ti setovi kompletirali i to iz vlastitih sredstava Univerziteta u Sarajevu – Stomatološkog fakulteta i Univerziteta u Sarajevu – Stomatološkog kliničkog centra.

3. U odnosu na treće zastupničko pitanje, koje se odnosi na informaciju o planiranim novim investicijama, sanacijama, rekonstrukcijama ili nabavci opreme koje bi bilo potrebno realizirati tokom 2027. godine, a koje bismo željeli prioriteto planirati u Budžetu Kantona Sarajevo za 2027. godinu, obavještavamo vas o sljedećem:

U periodu dok su članice Univerzitet u Sarajevu – Stomatološki fakultet i Univerzitet u Sarajevu – Stomatološki klinički centar razdvojene, nije planirano pokretanje kapitalnih ulaganja zbog značajnih poteškoća u funkcionisanju razdvojenih članica. S obzirom na to da je postupak njihovog spajanja već pokrenut, smatramo da u ovom trenutku nije opravdano ulaziti u značajnije investicione projekte. Po okončanju postupka spajanja dvije članice Univerziteta u Sarajevu – Stomatološkog fakulteta i Univerziteta u Sarajevu – Stomatološkog kliničkog centra planirano je pokretanje postupka rekonstrukcije prilaza prema zgradi, te sanacija teretnog lifta kao kapitalnih projekata od značaja za širu zajednicu, a preko resornih ministarstava i Vlade Kantona Sarajevo.

Istovremeno, tekuće održavanje nastavlja se kontinuirano, u skladu s raspoloživim sredstvima i potrebama za nesmetano obavljanje djelatnosti obje članice Univerziteta u Sarajevu.

S poštovanjem,

Akt obradila: Mr. sci. Edisa Lišić, dipl. iu

